

四庫全書

史部

欽定四庫全書

欽定大清一統志卷三百二十九

漳州府

在福建省沿西南六百八十里東西距二百七十里南北距二百九十里東至泉州府同

安縣界七十里西至汀州府永定縣界二百里南至大海一百八十里北至泉州府安溪縣界一百一十里東南至大海一百八十里西南至廣東潮州府饒平縣界二百八十里東北至同安縣界一百二十里西北至汀州府連城縣界四百里自府治至京師七千五百二十五里

分野天文牽牛須女分野星紀之次

建置沿革禹貢揚州南境周七閩地後屬越秦為閩

中郡地漢為會稽南海二郡地後漢為會稽南部
都尉地三國吳為建安郡地晉以後為晉安義安
二郡地梁始分置龍溪縣屬南安郡隋屬建安郡

唐初屬泉州垂拱二年始置漳州

初治漳浦
後移龍溪

天寶

元年改漳浦郡乾元元年復曰漳州屬江南道五
代初屬王閩後屬南唐改曰南州宋乾德初復曰
漳州屬福建路元至元十八年升漳州路屬福建
道宣慰司明初改曰漳州府屬福建布政使司

本朝因之屬福建省領縣七

舊領縣十雍正十二年
升龍巖縣為龍巖州割

漳平寧洋
二縣隸焉

龍溪縣

附郭東西距一百里南北距七十五里東
至泉州府同安縣界七十里西至南靖縣

界三十里南至漳浦縣界五十里北至長泰縣界
二十五里東南至海澄縣治五十里西南至平和
縣治二十十里東北至長泰縣治四十里西北至
龍巖州漳平縣治二十里漢治縣地晉以後
為晉安縣地梁始分置龍溪縣屬南安郡元和志
龍溪陳代曾屬閩州隋屬建安郡唐初屬泉州關
元二十九年割屬漳州乾元二年始為漳州治五
代宋不改元為漳州路治明為漳州府治本朝
因之漳浦縣在府南一百二十里東西距一百四十
里南北距一百十里東至大海八十里

西至南靖縣界六十里南至詔安縣界六十里北至龍溪縣界五十里東南至大海八十里西南至詔安縣界八十里東北至海澄縣治七十里西北至南靖縣治一百三十里漢治縣及南海郡揭陽縣地晉義熙九年分置綏安縣屬義安郡宋齊以後因之隋開皇十三年併入龍溪唐垂拱二年始分置漳浦縣兼置漳州乾元二年徙州治龍溪以漳浦為屬縣五代宋元因之明屬彰州府本朝因之南靖縣在府西四十里東西距一百三十里南西至龍巖州漳平縣界一百二十里南至漳浦縣界一百里北至漳平縣界一百三十里東南至漳浦縣治一百三十里西南至平和縣界五十里東北至長泰縣治七十五里西北至漳平縣界一百里漢治縣地晉以後為晉安縣地梁置蘭水縣至隋開皇間省入龍溪縣元至正十六年移南勝縣

來治改曰南靖屬漳州路
明屬漳州府 本朝因之 **長泰縣** 在府東北四十里東西距九十

五里南北距八十五里東至泉州府同安縣界六十里西至龍溪縣界三十五里南至龍溪縣界五里北至泉州府安溪縣界八十里東南至同安縣界五十里西南至龍溪縣界十五里東北至同安縣界八十里西北至龍溪縣界五十里漢冶縣地晉以後為晉安縣地隋為南安縣地五代南唐保泰元年始分置長泰縣屬泉州宋太平興國五年改屬漳州元屬漳州路明屬漳州府 本朝因之

平和縣 在府西南二百五里東西距一百七十里南北距二百十里東至南靖縣界一百四十

十里西至廣東潮州府大埔縣界三十里南至詔安縣界一百里北至汀州府永定縣界一百十里東南至漳浦縣界一百八十里西南至潮州府饒平縣治一百里東北至南靖縣治一百七十里西

北至永定縣治二百二十里漢治縣地晉以後為
晉安新羅二縣地梁為龍溪縣地後又為蘭水縣
地隋仍為龍溪縣地唐為龍溪漳浦龍巖三縣地
元至治中割置南勝縣屬漳州路至正以後為南
靖縣地明正德十三年始析南靖縣地
置縣名曰平和屬漳州府 本朝因之 詔安縣 府

西南二百五十里東西距一百二十里南北距七
十里東至大海八十里西至廣東潮州府饒平縣
界四十里南至饒平縣界三十里北至平和縣界
四十里東南至大海三十里西南至饒平縣界一
百里東北至漳浦縣界八十里西北至饒平縣界
一百里漢南海郡揭陽縣地晉為綏安縣地唐垂
拱二年置懷恩縣屬漳州開元二十九年省入漳
浦縣明嘉靖九年始析置詔安縣屬漳州府 本
朝因 海澄縣 在府東南五十里東西距八十里南
北距五十里東至漳浦縣鎮海衛界

六十五里西至龍溪縣界十五里南至漳浦縣界
四十里北至龍溪縣界十里東南至海一里西南
至漳浦縣治七十里東北至泉州府同安縣治一
百四十里西北至龍溪縣界十五里漢治縣地晉
以後為晉安縣地梁以後為龍溪縣地明嘉靖四
十四年始割龍溪及漳浦縣地置縣名曰海澄屬
漳州府
本朝因之

形勢地極七閩境連百粵

唐陳元光
建郡表

地曠土沃

宋傅自得

道院記

兩山擁翼二江襟帶

宋陳淳
北溪集

山川清秀原野

坦平蔚為江外名邦

宋吳與
圖經序

控引番禺襟喉嶺表

府志

風俗其民務本不事末作而資用饒給道院民有田

以耕紡苧為布弗迫於衣食樂善遠罪宋郭祥正記質

樸謹畏俗尚淫祀北漢集其人以業文為不貲以舶

海為恒產故文則揚葩而吐藻武則輕生而鬪雄

明王世懋閩部疏

城池漳州府城周十里三百四十二步門四南北水門二南臨大溪北依山溝東西浚濠

本朝順治十二年因舊址重築康熙三十六年五十年加修雍正年間屢修乾隆十二年重修

漳浦縣城周九里三百五十六步門四東西水門二本朝順治十二年更築康熙四十

六年重修雍正二年乾隆十二年屢加修葺

南靖縣城

周三里一百七十四步門四明

萬歷二十三年築本朝順治十三年更築康熙年間屢修乾隆十二年加修

長泰縣城

周五里二十三步門四東臨溪南浚濠西北因山為壑明萬歷間增築本朝順治十三年重修康熙

熙間屢修乾隆十二年又修

平和縣城

周三里一百十二步門四水門二明正德十四

年初築本朝順治十三年重修康熙年間屢修

詔安縣城

周三里二百八十六步門

四本朝順治十三年更築康熙六十年重修雍正七年乾隆十二年屢修

海澄縣城

周二里三百二十四步門四明隆慶間增築本朝康熙二十七年重修雍正七年乾隆十二年屢

修

學校漳州府學

在府治東南隅宋慶歷中建本朝
康熙二十年四十四年屢修乾隆二

年加修八學額數二十名
龍溪縣學 在縣治南宋嘉祐中建後
本朝康熙二十一年

重建二十六年加修
漳浦縣學 在縣治南宋初在
入學額數二十名 縣西北隅凡再徙

熙寧三年始建今所 本朝康熙十九
年三十八年重修入學額數二十名
南靖縣學

在縣治東元建明嘉靖中遷新縣萬歷中復還故
址 本朝康熙十三年燬於寇二十年三十八年

重修入學額數二十名
長泰縣學 在縣治東宋初建在縣西
南嘉定間改建縣東南紹

定六年移今所明末燬 本朝順治間
重修康熙間屢修入學額數十五名
平和縣學

在縣治南明正德間建 本朝順
治康熙間屢修入學額數二十名
詔安縣學 在縣

明嘉靖間建 本朝順治十七年重建康熙
十七年四十二年屢修入學額數十五名 海澄

縣學

在縣西九都城 中明隆慶間建後燬
本朝康熙十年重建入學額數二十名

丹霞

書院

在府治東南 本朝康熙年間建乾隆二十
六年增築號舍 又霞北書院在府治北隅康

熙四十八年建乾隆二十年重修又鄴山書院在
府治鄴侯山明郡人黃道周講學於此 本朝乾

隆十四年重建又龍溪縣有薊江書院在縣東北
二十里明洪武二十二年建 本朝康熙二十六

年重修又育德書院在縣城西隅康熙二十六年
建漳浦縣有南溟書院在縣治銅山所明嘉靖五

年建 本朝康熙四十二年重建長泰縣有龍津
書院在縣東明洪武三十一年建平和縣有九和

書院 本朝乾隆二十年建詔安縣有東瀛書院
在縣治東懸鐘所明嘉靖五年叅政蔡潮改佛剎

建海澄縣有儒山書院在縣治北 本朝乾隆二
年建二十七年重加展葺各縣並設有義學社學

按舊志有龍江書院在府
治西北登高山舊為臨漳臺

戶口

原額軍民人丁十四萬八千四百七
十六又滋生人丁二萬四千七百

田賦

田地一萬二千四十六頃二十五畝一分五釐
零又附征南澳等地三十一頃八十八畝二分

零屯田地五百五十七頃九十四畝九分額徵銀
共一十四萬六千七百二十八兩六錢三分二釐
零未共十一萬六千五百二
十八石七斗七升六合零

山川隆壽山

在府城東鄭樵通志居其下者人多
壽考故名宋時在城內今附城址 保

福山

在府城西山為
郡龍入脉之地

儀鳳山

在府城西北高聳明
秀峯頂清籟時時如

鳳鳴登高山

在龍溪縣城西北隅祝穆方輿勝覽在州治西二里府志脉自天寶山來蜿蜒

起伏三十餘里至郡城西北一峯聳拔名曰望高山其南麓為登高山原名紫芝山郡城繞馬頂有威鎮亭明洪武中建山之東為日華萬松諸峯禪月隆壽等山其西為淨安峯為騰龍起鳳諸山舊志騰龍山一名龍亭山平地特起奇石攢湊俯瞰溪流相傳昔有龍騰溪中因建亭漢上而名相峙者曰起鳳山一名高亭山與日華諸峯好景山在綿亘連絡繞城內外皆紫芝之支隴也

漢縣東十五里行迴起伏風景奇勝李吉甫元和郡縣志縣東十五里至山險絕無路蓋即此又漳浦縣西北里許亦有好景山縣城枕其文山在龍麓一名石虎山以山嶺有石如虎也

東二十里一名觀音巖北臨大溪三面通湖其右為水頭山脉自縣南太平嶺而下至溪而止與鳳

鳳石壁並稱為水口 **鳳皇山** 在龍溪縣東二十里與文山水頭品峙中有萬松嶺舊名馬岐

為郡孔道明正統間郡人植 **岐山** 在龍溪縣東二十里因改今名 十餘里宋郭功

父嘗有岐山仙亭十咏府志由文山逾溪以北曰 鷓鳴山亦名石壁山其下為雲洞又北而岐者為

岐山二峯聯岐延袤十里許秀聳龍江之上巖壑 奇勝又有千人洞洞口狹而暗中甚寬朗容千人

唐黃巢之亂民 **白石山** 在龍溪縣東六十里山多 多避難於此 白石一名鶴石山中有石

磴可容千人相 **南巖山** 在龍溪縣南七里延袤數 近曰福舟山 里峯巒奇秀怪石錯列有

石獅寶月南泉玉泉諸巖以石 **名第山** 在龍溪縣 獅為最勝下有清泉曰白鹿泉 南十里方

輿勝覽州有天成山一曰名第山志勝唐周匡物 潘存實讀書於此元和十一年匡物進士及第為

漳登進士之始十三年存實亦登進士
憲宗敕改今名劉禹錫有名第山詩
石鼓山 龍

溪縣北十里山形圓秀又縣北二十餘里有銅鉢
山山勢綿亘數里一峯中窪而外圓其形如鉢故

名又縣北有天公山上
龍湫山 在龍溪縣東南二
有瀑布飛瀉數十丈 十五里下有龍潭

飛泉百尺直瀉而下旁有鳧翠山雙
峯如削高出龍湫之上俗名魚刺山
圓山 在龍溪縣西南

十里前後望之分十二面頂有
石池又有琵琶坂今名大仙巖
龍山 在龍溪縣東北

諸山此為最秀其地宜茶
相近有望月山秀出羣山
金雞山 在龍溪縣東北

與長泰縣接界叢石屹起山頂
有石如雞展翅而色赤故名
天寶山 在龍溪縣

里五峯峭立周百餘里郡之望山也宋大中祥符
中嘗產明珠八貢因名上有芙蓉城寶巖洞百丈

泉諸
勝 **九龍山**

在龍溪縣西北三十里樂史太平寰宇記九龍山一名鬼候山其北有九

龍水一名
金溪水

石壕山

在龍溪縣西北四十里圓聳千仞頂石多粘壕鰲殼因名南下

小山景景天寶
山所由發脉也

海雲山

在漳浦縣東二十里上有清泉不涸山半有海雲巖

一名
巖山 **竈山**

在漳浦縣東五十里疊嶂高大周四十里高數百仞以中有仙人丹竈而名

臺山

在漳浦縣東六十里高數十仞平坦如臺近視與諸山相等海舟望之則迫出諸山之上

又東有燧火山距海里許海舟夜行者咸見山上有光焰如火故名

梁山

在漳浦縣南新唐書

地理志漳浦縣有梁山方輿勝覽古記云梁岳閩中之望也秀麗而崇圓又名圓山大峯十有二具中峯曰蓮峯石府志在縣南稍西三十里盤亘百里高千仞有九十九峯其蓮花獅子金剛力士雙

髻長劍七星八柱觀日臨海晉亭青閣十二峯為最著上有瀑布泉東南盤石上有穴如井水泉湧出大旱不竭謂之靈泉南北麓各有湯泉又長源溪錦溪萬頃溪仙溪或溪錦石溪垂玉溪龍潭溪皆出馬入於漳水上有水晶坪產水晶其北有蔡陂山蔡陂水出馬

羅山

在漳浦縣北十里諸

山羅列拱揖故名其支為東羅巖

後到山

在漳浦縣北十七里與羅山並峙而高聳過之

為邑之屏山蜿蜒而下秀潤清邑中之如蛾眉然其東有白鶴嶺

良山

在漳浦縣東南三十

里一名鰲峯山巖然屹立下臨鹿溪與隔溪柘港山對峙為縣水口佈溪水出馬入於大溪

古

雷山

在漳浦縣東南五十里一名鼓雷山斷岸千尺下瞰大江每潮至怒浪急濤其聲如雷

將軍山

在漳浦縣東南五十里雲霄城西明統志山與南靖接界唐戍將陳元光征蠻時據

此而名又有大臣山一名大神山在漳
水之南與將軍對峙有仙人玉女二峯
龜山在漳

東北二十里聳立橫
戴帽山在漳浦縣東北五十
里亦名大帽山山大

而峻四面林木蒼鬱獨頂上有黃茅形如戴帽故
名山上有玉川瀑布新村石鼓龍潭潭寶珠石諸

勝北麓為磁窰山下臨大江為海澄境其山產茶
又東為虎嶺路通鎮海衛林木深阻舊多虎患明

宏治三年知縣王臣以文祭
之患得息因改名麟山嶺
太武山在漳浦縣東
北一百餘里

高千仞屹立海上東望大洋汪洋無際陟其嶺則
漳泉二郡皆在目中中多奇跡好事者列為十四

景有小石城相傳南越王建德避漢兵保此亦名
建德城又有石塔名曰延壽高數仞海中歸舶望

以為
摩頂山在漳浦縣西北二十里山高而圓潔
其上半坦如佛頂然有水出東流經

龜山之陰至於
橫口入馬口溪
峽口山
在南靖縣東十五里兩山
相夾如門雙溪流經其中

鼓旗山

在南靖縣南縣之案山也內山圓如鼓外
山展如旗俗呼板旗山又湖山在縣南雙

溪之南山
下有湖

歐寮山

在南靖縣北一里一名大帽山
又名三鳳山後有五峰峙立端

巖峭拔周
百餘里

西天山

在南靖縣東南二十餘里一名
獅山列嶂如翠屏為郡之西宸

紫荊山

在南靖縣西南二十五里五峯翠聳亦名
五峯山中有龍潭禱雨輒應又西南有翠

微山接平和縣
界草木蒼翳

鏡山

在南靖縣西北五里每斜陽
返照炫然有光其南曰寶珠

山形圓如珠夾於鏡山磨石之
間山多怪石下有溪流迴繞

浮山

在南靖縣西
北八十里接

龍巖州界其山當路形如覆甌與上下
山不相連屬如浮空然亦名浮邱山

羅侯山

在

泰縣治後其東為新寨山東瞰大溪宋時設泰安
砦因名其西為水晶山形如覆釜上產水晶稍北
為重桂山又有登科山在縣治前舊名競秀又
名來青縣城壞地故感而五山環列位置天設天

柱山

在長泰縣東五十里東西南北有四石門又
有石室石梯應湖泉暗水泉香爐峯海濤巖

等二十奇宋曾循稱為臨漳第一勝處絕
頂曰紫玉峯最高環眺千里如襟帶間 鼎山 在

泰縣南五里接龍溪縣界其山高六圍如覆鼎絕
頂有躡俗呼鼎躡山上有龍泰巖以當龍溪長泰

二縣之交故名 董奉山 在長泰縣北五十里王存九域志
州境有董奉山仙人董奉嘗遊此

府志形如卓筆有 鼓鳴山 在長泰縣東北四十餘
里高聳為邑之望下有

丹竈棋枰琴室 洞風吹則 曷山 在長泰縣東北五十里雄峻少樹
成鼓聲 木高處有四十餘頃流水成渠可

引以灌溉一
名吳田山
內方山
在長泰縣東北八十里下有銀礦明萬歷二十七年中使

奉命開採商徒蝟集奸
究乘機攘奪尋封閉
良岡山
在長泰縣西北五十里為縣主山其

脊大石層列有龍鬚泉湧流不竭瀑布出焉有良
岡嶺高危險峻亘十餘里相近曰真應巖四面皆

石嵯峨峻峭又臨溪
有金岡湖山出金沙
樓宅山
在平和縣西數里以形如樓閣而名稍東

曰岑山與
東山遙對
橫坑山
在平和縣西與廣東大埔縣接界綿亘數十里險阻薈翳又西

北七十里有象湖山亦與
大埔縣接界舊皆為盜藪
天馬山
在平和縣南雙峯矗起如天馬

馳驟為縣
治案山
長蘆山
在平和縣北十里為縣之主山又北為卓鳳山形如飛鳳其聳

然峙於東者曰東屏山
有九嶺亦名九禾嶺
大峯山
在平和縣東南一名大枋山邑之鎮

山也高峻峻巖單絡羣岫漳浦詔安海澄鎮海街諸山皆發脉於此自麓至嶺可五十餘里登陟一望遠近城邑悉在目前商船渡海每以此山為表山有石峯十七其青雲峯中可坐三十餘人山背靈通巖劈立半山泉石奇勝泉潢四注畫地成川高山河上徐坑港頭諸溪皆出於此又新巖山為大峯山之別支中有銅鼓

五牙山

在平和縣東南九峯聳立

山兜寶峰瑞雲明月四巖

如牙笏然產砮石一名

鵝公髻山

在平和縣東南陳溪村視衆山

獨高為漳浦海澄詔安饒平四縣發脉之處

三平山

在平和縣東南巖谷深邃詰曲崎危

登陟者必歷三險三平乃至其巔故名有龜蛇峯九層巖高柯巖煎茶塢虎爬泉諸勝

洪瀨

山

在平和縣東北

葵岡山

在詔安縣東四十五里山勢綿亘中有兩小山相峙

北大溪所經

名相見嶺有古關隘壘石而成宋為沿海道巡海所明萬歷中以上湖後港諸村豪黠劫掠浙兵

守餘甘嶺山

在詔安縣東六十里盤亘曠邈為詔安漳浦接壤處舊時路出山巔明萬

歷二十五年知縣夏宏改由山腰至今便之

川陵山

在詔安縣東海濱半入海舊志俗傳

帝曷南渡將都南澳築此為東京地遂缺陷為海

北去銅山營十里

大帽山

在詔安縣東海濱勢極高聳舊未丞相陸秀夫扶帝曷泊舟於

舟於此又有甘山在縣東海中遠望山嶺若小髻然天將颶風變幻不一四面皆海中有一井水獨

甘淡故名良峯山

在詔安縣西一里聳拔奇秀為縣主山

赤坑山

在詔安縣西三

十餘里攢聚若五星然新志謂之出卿山少北曰小篆山俗名犁頭山嵯峨叢險為縣要害

漸

山 在詔安縣少南五十里高峭千仞頂分二峯中有潭深不可測西南巨室若屋廬然內有泉清

冽遠近汲之山下有石屏大南山 在詔安縣南十書院為宋陳景肅講學處 五里兩峯銳秀

俗名大尖小尖自山而西綿亘羊角山 在詔安縣數十里若巨屏森立接於龜山 南十里府

志石屏屹立旁一石雙歧若羊角然中有石鼓石船鰲頭研池風動石嘯臺諸勝西曰青雲洞有三

鯉石鳳尾松 九侯山 在詔安縣北二十五里九域志漳州有九侯山舊志九峯並列中有

石門棋盤石天然橋諸勝其東為初稽山山半有三潭不竭上有巨石出泉清冽號玉泉 烏山

在詔安縣北三十里與九侯相連東接椽林山峯頭巨石嵯峨半插天表為邑後障或稱為火焰山

以其形尖如火也 沔州山 一名敏州山在詔安縣東南懸鐘所北海中眾水匯處一邑關

鎖雙峯高峙

梅嶺山

在詔安縣東南三十里海濱
踰嶺為懸鐘山去懸鐘所十

蒼翠如畫

里舊時郡之洋船實發於此原設安邊公館置捕
盜主簿屯駐防衛嘉靖四十年海賊吳平結巢

於此都督戚繼光追逐遠

龜山

在詔安縣西南二
十五里上有巨壑

通藏其餘黨築為京觀

相傳有龍潛焉又有石洞可容

南澳山

在詔安縣
西南百餘

數十人少西為漳湖分界處

里接饒平縣界砥柱海中周二百餘里其山之遠

者曰黃芒山長三十里為汎地要害又有獵嶼山

長二十里中可樵牧又有洋嶼中

九上落山

在詔
安縣

多平田漳浦民雜處耕佃於此

東北十五里其山九上九下故名舊時路出北門

為通道所經賊竊伏崖谷中時出剽掠嘉靖二十

四年知縣廖暹改由東門設東溪洋尾二渡

即鳳頭山立鳳頭舖以民兵守之寇患始息

椽林

山 在詔安縣東北五十里山勢龍巖崖石林立與九侯連絡為邑鎮山有石屋數十處可容百人

稱十八洞明嘉靖末附山劇寇嘯聚谷中天啟中烏山賊起亦營此為別窟箐林峭險森憑恒適居

馬 **金溪山** 在詔安縣西北四十里一名金雞山又二十里有六洞山二山聯接舊有銀坑

萬歷中議開採居民 **吳養山** 在海澄縣東十里許岌岌驚變尋封閉 下揖海門上障南溪

遙迤疊聳聯亘數處 **席帽山** 在海澄縣南七里高稍北支峯曰槐浦山 聳圓秀狀如席帽兩

旁有翅一名筆架山其西為 **文圃山** 在海澄縣北常春山林麓葱蒨拱揖縣治 隔江與同安

縣接界世謂此山下多文士故 **大巖山** 在海澄縣北四面圓秀一名十八面山 北周迴綿

亘二十餘里三面 **鹿石山** 在海澄縣東南一名獨臨海其上有巖 石山雄峭壁立頂石巉

巖多嶮峻相傳以為海湖至此**雲蓋山**在海澄縣東南十餘里雲氣常覆其上故名上有室

可容百人懸崖有泉沸出曰卓錫泉**儒山**在海澄縣西南二里縣之主山也圓秀特起俗呼為

祭前**南岐山**在海澄縣西南十五里南溪之水自椽濤而下大海之水自浮宮而入至

此會合倒流紆延而分繞於邑內亦名倒港山**漸山**在海澄縣西南聳起高峯雄大尖秀擁峙

水口山下人民輻輳其東為吳山面繞南溪飛鸞寨卓立其上**太平嶺**在龍溪縣南十里嶺

道平坦又三十里為九龍嶺兩山夾峙中**新嶺**在紫石磴凡十里許路通湖廣巡司在焉

溪縣西北天寶山西石磴盤迴十餘里路通安溪龍巖漳平三縣舊設亭障其上**揭鴻嶺**

在龍溪縣西北四十里路通安溪大田上有營頭亭下有唐屯軍營故址府志漢唐時西北向長安

故道皆由此行 **華峯嶺** 在龍溪縣西北五十里一名龍頭嶺高千餘丈累磴鑿石以梯行人

北溪之流經其下灘瀨巖惡怪石巉巖有三磴二花之名舟楫不通上下皆踰嶺溪旁有石狀如龍

頭因 **玳瑁嶺** 在龍溪縣天寶山東北高百丈亘三十餘里接長泰縣界為郡北之屏障

盤陀嶺 在漳浦縣西南三十里梁山之西叢薄崎峻盤亘可十里為入湖廣要隘 **朝天**

嶺 在南靖縣西北百里當漳平龍巖兩縣界山最高聳四時雲霧接天又長泰縣東南三十里亦

有朝天嶺東連天柱西接金 **峯蒼嶺** 在南靖縣東雖雙髻舊為入京之道因名 北十六里即

府界天寶山之西麓也石 **黎壁嶺** 在長泰縣西北磴盤迴上有亭及公館 六十餘里崖壁

陡絕又 **鷓鴣嶺** 亦名大鷓 **磨鎗嶺** 在長泰縣東北鷓在良岡山隔口有隘 接安溪縣界上

有巡檢坪相傳
琉嶺 在詔安縣西南分水關之右
為舊巡司址 與大南山相接形如列屏路

通廣東
龍門嶺 在海澄縣北上有石高十餘丈舊
柘林寨 志宋末文天祥奉少帝南奔道經

此
赤石巖 在平和縣西三十里巖石千仞
聳立雙溪水旁為縣水口 雄鎮 **魚腸嶼**

在漳浦縣東南三十里海中又有竹嶼石城
圭嶼 嶼菜嶼將軍嶼大桑小桑大漱小漱等嶼

在海澄縣東北此立海中狀如龜浮水面亦名龜
嶼俗又名雞嶼明隆慶六年嘗議移海門濠門二

巡司於此築城八面以象八卦名曰神龜員圖後
廢萬歷四十五年重築石城廣二百餘丈設兵防

守天啟二年紅夷巨艦由鷺門入迫圭嶼知縣劉
斯珠又築銃城數塚後皆為賊所燬嶼遂荒廢又

有錢嶼木嶼與圭嶼相望 劉 **嵩嶼** 在海澄縣東北
斯塚皆嘗築銃城以守之 與中左所相對

舊志宋末少帝浮舟經此遇誕辰羣臣構行殿呼嵩行禮故名遺址猶存

長嶼

在海澄縣東北

去語嶼濠門甚近三面臨

胡使二嶼

在海澄縣東北海門上下

海居民數百家有土堡

延袤數里俗呼為海門東北山先是居民憑海盜亂明正統中太守甘瑛奏移其民墟其地

白

葉洞

在詔安縣西北六十里接饒平縣叢山峻崖賊倚為巢有白葉洞水下流入東溪

大

海

在府境東南西三面龍溪漳浦海澄詔安四縣皆列海壖元和志去龍溪縣五十四里南接海

澄西接漳浦詔安東北接泉州府界

九龍江

一名龍溪自龍巖州漳平縣流入龍溪縣界經

九龍山因名九龍江其下流一名柳營江又東南分為二派入海澄縣由港以注於海

柳營

江

在龍溪縣南四十里唐時宿重兵于此因號柳營有橋曰虎渡橋為漳南第一形勝

漳江

源出平和縣大峯山東南流入漳浦縣又東南入海新唐志漳州以南有漳水而名方輿勝覽漳江在梁山下府志源出平和縣界曰西林溪南流過雲霄鎮城之北亦名雲霄溪又南流而東納梁山以南諸水至古雷山

黃如江

亦名鴻如江在漳浦縣東五十里源出龜

山之陽南會竈山水由井尾澳入海近設鴻江營以此為名杜佑通典漳州東南至黃如江一百里

港口江

在海澄縣北自龍溪縣流入即九龍江下流也自縣以西北諸水悉由此入海亦名

港口大溪中有許茂烏礁紫泥三洲

天宮溪

在龍溪縣西北三十餘里源出天宮山下入龍

溪亦曰天宮大潁為漫潭之上流中有石潑高丈餘其水傾瀉潭中激成水泡自底滾出水而泡散有聲如擊鼓次第不

苦竹溪

在龍溪縣西北二十餘里源出龍巖界歷

停俗謂之更鼓水

南靖縣入南溪九

九曲溪

在漳浦縣西源出盤陀北麓曰盤陀溪北流十

里匯白沙蔡陂內湖諸水為九曲溪合于大溪

綏安溪

在漳浦縣南四十里源出縣界東流

入海又有溫源溪在縣西南兩泉並出一微暖一極熱合流入縣前溪

北溪

在漳浦縣北一

出羅山陰白鶴嶺一出羅山陽至羅山合流入南溪

三團溪

在南靖縣西一百三十里源出

汀州府永定縣界入大溪又深渡溪在縣西北五十里源出龍巖縣界入小溪

雙溪

在南靖縣

南一曰大溪自平和縣流入一曰小溪源出龍巖縣界金山湧口亦名湧口溪至縣南與大溪合

曰雙溪東流出夾口又東入龍溪縣界為南門溪亦曰南溪

馬洋溪

源出長泰縣東洪巖

林有二源合流南入龍溪縣界合北溪

高層溪

源出安溪縣界流經長泰縣北四十里入

漢縣界合北溪又龍津溪亦出安溪縣界流經長
泰縣合青坑內方桂林口芹果洋山諸溪水入龍

溪縣界
合北溪 **高山溪** 在平和縣東亦曰琯溪源出大峯
山東北流曰漢口溪又東出洪瀨

入南靖縣界為大溪土人呼為高坑石神溪蓋即
古石厓溪之訛也通典漳州西北至石厓溪一百

五十
里 **南溪** 一名李澳川自平和縣東流經漳浦縣
南又東流入海澄縣西南匯漸山棧潯

諸水入於海府志南溪有二源一自平和五寨一
自南靖龍嶺曰崎溪合流至漳浦縣西合九曲溪

又經縣南為南溪又東合北溪又東至 **東溪** 源出
縣東為鹿溪溪又東由六鰲所入海 平和

縣大峯山南流入詔安縣西北界亦名站前溪小
篆溪自南來會樊沙溪自北來會又西南受白葉

洞水又南過縣城東折而 **馬口溪** 源出平和縣三
西至南山橫嶺渡入海 平山百丈祭東

北流經漳浦龍溪二縣界
又東流入海澄縣入海
徐坑溪 源出平和縣大

溪又南入詔安
河上溪 在平和縣東南源出大峯
支麓東南流經西林為西

林溪又南入漳浦縣
界即漳江之上源也
大陂溪 在詔安縣東四十里
出縣北馬洋山東南

流至大陂南
抵浙山入海
港頭溪 在詔安縣西源自長坑五斗
至港頭會湖水又至象頭入

海
走馬溪 在詔安縣東南五十里海濱距懸鐘梅
嶺俱二十里乃海水之餘入者非淡水

溪也內有東澳為
海口藏風之處
文山港 在龍溪縣東南二十里
有前後二港前港由北

江入後港由洋西渡入南接龍溪水又東南分
為福河錦江雲梯三港其流頗長溉田萬頃
流

岡港 在龍溪縣東北十五里東通翁建港接
九龍江西通東港接南溪溉田萬頃
官港

在龍溪縣東四十里上通柳營江下
通石美長三十里灌田二百餘頃
盧沈港 在海登縣

西石馬鎮東上接南溪下通海口三洲溉田萬頃
稍東又有普賢港上通龍溪九十七坑之水入海

月港 在海澄縣西南接南溪東
北通海湖其形如月故名
新河 在南靖縣北
明隆慶六年

知縣曾球濬長三里許
引大溪水溉田萬頃
西湖 在龍溪縣西方與勝
覽西湖泉極甘美可

辟瘴癘府志在縣西廂發源自金仙院南流折而
東遂瀦為湖宋紹興中填塞幾平又漳浦縣西亦

有西湖宋嘉定八年
年令趙師緡開
鑑湖 在漳浦縣東五十里周二
里水清如鑑相傳其穴通

海
峯蒼澗 在南靖縣東北五里源
出峯蒼嶺南流入雙溪
龍潭 在漳浦縣
南廣五六

丈約二里達南溪又詔安縣西有龍潭周迴
六七里其深不測禱雨多應灌田數百畝
海子

潭

在南靖縣西三里深渡湧口二溪匯流於此磨石寶珠兩峯對峙如壁一港如門淵深莫測

溪東陂

在詔安縣西北明洪武二十七年築又有小篆金溪等陂皆嘉靖間築溉田二千餘

頃

廣濟陂

在海澄縣東宋郡守傅伯成築石為堰表一百三十丈溉田千有餘頃太

保陂

在海澄縣西縣地本海涵宋時都官郎謝伯宜始築以成田紹興中有陳香者復引一十

都九十九坑之水注於九都侯山築陂開圳長三千餘丈導以灌田遂成沃土香官太保故名

古蹟漳州故城

在漳浦縣西南元和志漳州垂拱二年折龍溪南界置因漳水為名初置

於今漳浦縣西八十里開元四年改移就李澳川即今漳浦縣東舊城是乾元二年又以李澳川有漳遂移州於龍溪而漳浦縣東北至州一百二十里明統志故漳州城在今縣西南八十里即今雲

宵綏安故城

在漳浦縣西南漢揭陽縣地晉置隋開皇併入龍溪宋吳興國經序漳浦

故廢綏安縣地也舊

南靖故城

有二皆在今縣西南平和縣界元至

志在今縣西南百里

治中置縣曰南勝至正十六年縣尹韓景晦徙治

雙溪之北改名南靖即今治也明嘉靖四十五年

知縣林挺春又移治大帽山麓南去舊

龍溪故城

城二里許萬歷二十三年復還舊治

在今縣南隋志梁置元和志陳分晉安置屬南安

郡後屬閩州開元二十九年割屬漳州府志有古

縣在今縣南十

蘭水故縣

在南靖縣界梁置屬南安郡隋開皇十二年併

入龍

懷恩故縣

在漳浦縣南元和志廢懷恩縣在漳州西南三百十里垂拱二年置

開元二十九年廢為鎮明統志在漳

河頭中營

今

浦縣西南二百里應在今詔安縣界

和縣治本南靖縣地明正德十四年南贛撫臣王守仁討平象湖流恩等賊上言南靖縣治僻在一隅所轄蘆溪平和長樂等處地里遙遠政教不及盜竊時作有河頭社大洋陂背山面水地勢寬平西接廣東饒平北連三團蘆溪可以置縣因分南靖清寧新安二里及漳浦縣二三都地置縣以河頭中營為治取盜平民

武德場

今長泰縣治裏宇記長泰縣在漳州

東北五十里本屬泉州唐乾符三年析大同場西界六里置武德場南唐乙卯歲升為長泰縣太平興國五年割屬漳州九

南詔場

今詔安縣治本漳浦縣治宋為南詔

場置西尉主之後又為沿邊巡檢寨元至正十四年汀漳盜起屯官陳君用始築石城明初置把截所尋罷宏治十七年廣寇突入劫掠調漳州衛後所官軍來守十八年因置南詔守禦千戶所始拓

城西偏廣之正德十四年增設捕盜通判尋廢嘉靖九年始分漳浦二三四五都置縣取南詔靖

安之義勅名詔安云縣

靖海館

今海澄縣治其地舊名月港自唐宋

志南詔所在縣治東

以來為海濱大聚落元時嘗置巡司明正德中土民私造巨舶航海與諸番貿易嘉靖中遂誘佛郎機夷內入浯嶼二十七年巡海道柯喬議設縣治於月港三十年於月港置靖海館以通判往來巡緝未幾倭賊入寇累出月港奸民乘機構逆結巢盤踞殆同化外四十二年撫臣譚綸招撫之奏設海防同知四十四年知府唐九德始議割龍溪漳浦二縣地置縣賜名海澄云

安邊館

在海澄縣東北二十里海滄澳明嘉靖九年置委通判駐守四十三年寇吳平巢於此都督戚繼光討逐之及縣置而守罷館毀於賊

漳州故衛

在龍溪縣崇禎中更築名曰觀化堂

武三年建 本朝 鎮海故衛 在漳浦縣東北一百里

朝康熙五年裁 鴻江上有城壘明洪武

二十年置 本朝 陸鰲廢所 在漳浦縣東南七十里

順治十四年裁 本朝 懸鐘廢所 在詔安縣東南四十里

司地明洪武二十年置 本朝 洪武二十年置守禦千戶所屬鎮海衛築城周五百五十丈嘉靖四十一年為倭所陷 本朝 順治

十四年置 本朝 風月樓 在府治右宋開禧中通判留筠重修

年裁 瑞鵲堂 樓其上取平分風月之意 本朝 喜雨樓 在府治舊土城上舊名留觀 南樓 在府

為 名 唐尹柔宋郭祥正皆有詩 環珠樓 在長泰縣治南 齊雲閣 在府

北開元寺西 御書閣 在龍溪縣學泮池左宋 淨涼

宋蔡襄有詩 紹定間知縣傅天驥建

閣

在漳浦縣治西偏舊有池亭扁曰水閣宋嘉定間縣令歐廢改名

君子亭

在府治後

舊為復軒朱子作後守趙汝謹建為亭名曰君子并有詩

九區亭

在府治前朱子作後守方

未更新之又於府治西子城作仰高亭致景慕之意

喜雨亭

在府治東南隅為一郡勝槩舊

名水雲館後改今名

澤露亭

在龍溪縣城中宋李亨伯守邕管遭母憂不許解官亨伯五上

章哀請後許明年甘露降其家庭柏上因名張商英作詩賦其事

月淵亭

在龍溪縣城中

舊淨衆院宋郭祥正有詩

留珮亭

在龍溪縣東二十六都宋都判鄭渙代去郡人攀留渙留

珮以為別後人即其地建亭因名

得仙亭

在龍溪縣名第山泉人歐陽參與周巨物潘存

實相踵而出世有元和得仙之謠因以名亭

美報亭

在漳浦縣東宋嘉定中令歐廢因鑿

放生池建仁智亭在長泰縣治東依山瞰溪宋嘉定中令王自強建取智者樂水仁者樂山

之義熙春亭在長泰縣學東元至正中建仙人亭在平和縣東北三平山瑞

雀臺在府治內東偏宋熙寧間通判柯述賑活饑民感二鵲棲其廳事比去任鵲送之遂不復

至故名蘇軾有詩臨漳臺在龍溪縣登高山巔據溪山最勝處又半漳臺在登高山半宋

郭祥正詩危蒼飛赤壓層邱見盡臨漳一半州宋朱子守漳時於此地講學郡守危正建龍江書院

於此嘯臺在龍溪縣圓山郭祥正有詩覽勝臺在長泰縣治北舊名小蓬萊宋縣令

鄭師中改名同樂堂在府治舊名安靜宋慶元間郡守趙伯暹建嘉定中趙汝謙改名

周潘書堂在龍溪縣南名第山唐周巨物與潘存實讀書處又有白隱堂亦巨物讀書處

陳淳故宅

在龍溪縣
北北溪上

顏師魯故宅

在龍溪縣
西西清橋

木棉

菴

在龍溪縣南二十里
舊志宋鄭虎臣殺賈似道於此

綠蘿菴

在龍溪縣西
湖白蓮院宋

郭祥正
有詩

梅雪齋

在龍溪縣城內
明林弼建為讀書之所

關隘蒲葵關

在龍溪縣西南一舍度
嶺有漢時南越蒲葵關
明統志在龍溪

縣西南二十二都
漢初南越所置

分水關

在詔安縣東南二十五
里為漳潮分界處
明洪

武二十年築石城正德十五年又移東沈赤山
巡司於此改曰漳潮分界司今仍之天啟初知縣周

立改築新城於
其南未成而輟

中權關

在海澄縣港口城北往來
各舟灣船處明崇禎初知

縣金應桂設東聯腰城守禦要地又有東關在縣
北門外與港口土城相連北關在八都土堡北門

西偏臨水皆明天啟中知縣劉斯堃增築

韓婆徑隘

在南靖縣北八十里永豐里明正統

五年置韓婆巡司景泰二年改名永豐巡司弘治中道臣杜啟設韓婆隘堦石為門為戍守處朝

天嶺隘

在長泰縣東南三十里明正統五年知縣劉奎以嶺巖險多盜置巡司今裁

柳

營江司

在龍溪縣東三十里柳營江之西明洪武三年設掣制所隸福建都轉運鹽使司十

四年改批驗鹽引所正統九年改為巡司本朝康熙年間改為江東巡司

青山

在漳浦縣

東南七十里明洪武二十年置青山巡司初在青山後以司地置陸鰲所乃遷司於月嶼陸鰲之北

正德中以海寇殘劫拘築土城周一百十五丈東西南三門明末人文極盛又井尾巡司在縣東一

百里鎮海衛南亦有土城周一百十五丈東五大東西南三面與古雷同置今裁

盤陀嶺

在漳浦縣

西南明正統六年以其地當潮
廣山林深阻增置巡司今仍之
洪淡司 在詔安縣東六十里

元置於四都之沔州明洪武二十年徙於五都曰
東沈赤山司亦有土城正德十五年又徙於分水

關改 **海口鎮** 在龍溪縣東南接海澄縣界九域志
今名 **海口鎮** 縣有海口峽口清遠之鎮舊志宋置

以收海 **敦照鎮** 在漳浦縣東南九域志漳浦有敦
道商稅 **敦照鎮** 照一鎮新志有舊鎮市在縣東南

三十里益 **雲霄鎮** 在漳浦縣西南六十里相傳即
即郭照也 **雲霄鎮** 漳浦故縣地元置雲霄驛明正

德初鄉人以寇亂築土城尋廢嘉靖五年重建周
八百二十五丈門四三十九年為賊所陷隆慶六

年設海防館於城內以督捕通 **古雷鎮** 在漳浦縣
判駐此為戍守要地今有市 **古雷鎮** 東南五十

里古雷山下有巡司明正統六年自南靖縣移此
城周一百十五丈門四又後葛巡司在縣東南五

十五里亦有土城與古雷同置

海門鎮

在海澄縣東二十里舊有海門社在縣東北海門山

明正統六年太守甘瑛以其地險民悍奏設和溪巡司七年徙其民於內地因移司於青浦社

鎮

在南靖縣西北七十里接龍巖縣界有巡司明正統五年置

蘆溪鎮

在平和縣西北

八十里蘆溪山麓元置小溪巡司在縣東瑄水之陽明洪武二十年移於漳浦縣界古雷山正統五

年小溪草寇竊發復置巡司正德中既析置縣又以蘆溪枋頭坂地勢頗雄因移司於此改曰漳汀

司築土城

金石鎮

在詔安縣東八十里海中有巡司元設於龍巖縣聚賢里明洪武二十年

徙於此築城周一百十五丈門三

銅山營

在詔安縣東八十里其地舊名東山為民間牧

藪明洪武二十年始置守禦千戶所屬鎮海衛二十五年築城周五百五十一丈門四三面環海

本朝順治十四年裁所改
為銅山營以遊擊駐守
石美堡 在龍溪縣東七
十里福舟山下

明嘉靖三十六年建有土城又玉洲土城在縣東
四十里長橋土城在縣北十里皆嘉靖中土人築

以禦寇 福河堡 在龍溪縣東南三十五里明嘉靖中
鄉人以其地係各港之要害築土城

以防倭尋置 九都堡城 在海澄縣西隔港又港口
官兵戍守 堡城在縣北皆明嘉靖中

與八都堡同築隆慶初既以八都堡建縣因以九
都堡設立儒學天啟三年知縣劉斯棟重修港口

城東北面海改甃以石周三百五十丈九都則四
面皆砌以石周三百三十丈有奇與縣城鼎峙

甲洲土城 在詔安縣東明嘉靖二十五年築又梅
洲土城在縣東四十餘里正德三年築

少北又有上湖土城 峯頭土城 在詔安縣北周
嘉靖二十四年築 八百四十丈 鏡

城

在海澄縣北凡三一周一百十三丈有奇一周六十六丈八尺一周七十丈有奇皆明天啟崇

禎間築置鏡以備海寇

丹霞驛

在府西

甘棠驛

在龍溪縣南四十里接漳浦縣

建界元

江東驛

在龍溪縣東四十里北至長泰縣三十里宋置通源驛元改今名

平

南驛

在南靖縣西北九十里明成化六年置

津梁金水橋

在府城開元寺前有亭明知縣鍾宣建

南門橋

在府治之南通津門

外跨南溪溪澗二十五丈宋嘉定初郡守薛揚祖累石為址七而梁之長二十六丈翼以欄因名薛

公流岡橋

在龍溪縣東十五里亦跨南溪長一百二十餘丈上有亭四百六十餘間

渡橋

在龍溪縣東四十里跨柳營江長二百丈醜水十五道亦名江東橋明嘉靖四十四年加

築 本朝康熙五十二年大修
東溪橋 在漳浦縣東門外宋

慶元四 浯江橋 在漳浦縣東南四十里宋元祐二
年 建 長九丈釀水十五道浯江水

出海雲山合 五鳳橋 在漳浦縣南門外宋淳祐間
竹嶼水入海 累石為址跨以石梁長三十

丈其南為乾橋 三 永濟橋 在南靖縣
十間長二百丈 南門外 湯坑橋 在南

西北又西北有平南橋 在 朝京橋 在長泰縣東南
平南驛前為往來津要 一里宋建長百

凡凡址十八亭五十 要安橋 在長泰縣西門外明
一間後圮今有渡 萬歷初建長四十餘

丈石址二 圓濟橋 在平和縣東
十五間 北翠微社 東溪橋 在詔安縣

湖七 洋尾橋 在詔安縣東五里舊為洋尾官渡明
十文 萬歷七年建石橋長一百餘丈一

名廣南橋大陂橋

在詔安縣東四十里一名永濟橋

平寨橋

在詔安縣南五里

月溪橋

在海澄縣城西亘學城東門外俗呼舊橋居民架屋貿易其上萬歷元年燬又有新

橋亦在縣西介八九二都之間左右翼以小肆貿易

滄江橋

在海澄縣東北海滄鎮宋建名

黃公橋明嘉靖間重建改名醞水為七道兩端有亭

陵墓唐長孫冲墓

在漳浦縣東壠塘冲無忌之子

陳政墓

在漳浦縣西南將軍

麓陳元光墓

在龍溪縣北二十里蘇坑山有廟在松舟堡

宋顏師魯墓

在龍溪縣西二十里

謝伯宜墓

在海澄縣西山曾孫明之墓亦在馬

陳香墓

在海

澄縣西陳坑山陳淳墓

在龍溪縣北二十里北漢上

王遇墓

在龍溪縣南十里椽

林
勇士墓

在漳浦縣西南門外紹興間山寇焚縣治左翼軍步兵蔡清鄒進熊保俱力戰

死邑人為
合葬於此

元羅良墓

在龍溪縣西
十里雙路口
締拉密什墓
在龍

溪縣東郊墓前有表忠祠
拉密什舊作迭理彌實今改

締

明李貞墓

在南靖
縣南林

壁
山唐泰墓

在長泰縣東
北彰信里

潘榮墓

在龍溪縣
南廂外

陳真晟

墓

在龍溪縣東趙塘山天順中提學周孟中立石
表曰大明闕下兩上書請補正學布衣陳先生

之
墓

祠廟旌忠祠

在府學西祀明贈兵部侍郎諡忠愍周
起元崇正時勅建
本朝康熙四十六

年
修嘉濟廟

在府城東坂後祀後漢石敬純其父勤
勸季弟也嘗帥兵擊燕以牛昌隱說見

殺敬純方幼借母崔氏謫居海上及長知之遂討昌隱斬之立廟于此屢見靈異唐宋累封元賜額

嘉濟忠勇祠 在漳浦縣盤陀嶺明嘉靖時成繼光追倭寇官兵傷死者八十餘人繼光立祠

祀之隆慶五年以從征曾一本陣亡朱璣及王世寶載守陳文標劉大有合祀 本朝康熙三十七

年重修周濂溪祠 在南靖縣西寶珠山今廢 朱文公祠 府境凡五

縣芝山之陽 本朝康熙十七年重建其東有仰文書院一在長泰縣治登科山又有泰亨書院明

洪武中建一在平和縣東南西林一 陳北溪祠 在

在海澄縣北門外一在詔安縣東 溪縣城西北舊光 黃勉齋祠 在龍溪縣登高

孝院地祀宋陳淳 山麓祀宋黃幹 王東 湖祠 在龍溪縣東門 文信國祠 在龍溪縣西北

外祀宋王過

祀宋文天祥

王

陽明祠

續通志舊在平和縣儒學西南隅因嘗講學于此明嘉靖三十三年建崇禎六年移

建東廂外

木朝

威惠廟

有三一在龍溪縣北門外宋建炎中建一在漳

康熙五十年重修

浦縣西三里一在詔安縣西北

雙節祠

在龍溪縣東門外祀

良峰山之麓皆祀唐將陳元光

元萬戶府知事闕

文興及妻王氏

寺觀開元淨慧寺

在府治西北唐嗣聖間建開元中賜額曰開元內有明皇銅像宋末

燬於兵元貞中與淨慧寺合為一賜今額明洪武間扁曰紫芝峰

淨衆寺

在府治西梁貞

明二年建興教寺

在漳浦縣北唐景福初建

應城寺

在漳浦縣東宋熙寧間建

正

峰寺

在南靖縣東南宋開禧三年建

祥光寺

在長泰縣東南宋乾德二年建

良岡

寺

在長泰縣良岡山之麓唐時建

清泉寺

在詔安縣西北宋胡穎隱於此寺前有清泉因

名

大巖寺

在海澄縣大巖山

元妙觀

在府治東唐開元中建名開元觀元改今

名

名宦唐陳元光

固始人總章二年隨父政領軍入閩父卒代領其衆永隆初擊降潮州盜

秦請建漳州於泉潮間以控嶺表詔從之即命元

光鎮撫元光剪荆棘開村落招流亡務農積粟千

里無枹鼓之聲後以討南流寇戰歿廟食

於漳子珣舉明經授翰林承旨直學士韓泰元貞

中為漳州刺史悉心為治官吏奉法許天正

百姓安堵韓愈刺袁州嘗舉以自代汝南人博

學能文歷官副使宣威將軍代陳元光領

泉湖事平寇置堡三十六所嶺海輯寧宋王濟

饒陽人雍熙中補龍溪主簿時調福建輸鷹翎為箭羽有司督責急一羽至直數百錢民甚苦之濟諭民取鷹翎代輸仍驛奉其事因詔旁郡悉如濟所陳縣有陂塘數百頃為鄉豪幹其利會歲旱濟悲導之分

方慎從

莆田人景祐初知漳州有惠政越十五年又以屯田郎中知州

事漳人懽呼曰吾父復來矣

呂璫

晉江人景祐間知漳浦時汀

守之法賊不敢犯境有虎患璫設窋祝曰暴吾民者入吾窋三日虎自投窋既去民祀之

柯述

南安人熙寧間以員外郎通判漳州救饑得民心有雙鵲之異蘇軾為賦異鵲詩

傅希龍

仙遊人元祐間知漳浦振興文教繫河引湖水自鹿溪入津池人呼為傅公河

蔡崇禮

高密

人高宗時知漳州其俗悍強號難治屬有巨寇起建州聲撼鄰境崇禮牧民禦衆一如常日盜息安

堵如 廖剛 順昌人紹興中以徽猷閣直學士
知漳州後以言事拜御史中丞 李彌

孫 吳縣人紹興九年知漳州建 劉才邵 廬陵人高
州學復慶歷舊規郡人德之 宗時知漳

州即城東開渠十有四為牕與斗門 陳敏 石城人
以猪漚決溉田數千畝民甚德之 高宗時

閩地多寇以敏為統制漳州駐劄敏按諸郡 胡銓
要害凡十有三處悉分兵扼之盜發輒獲

廬陵人乾道初以集英殿修撰知漳州清介愛民
上章數秦檜孫近等力主和議之罪尋改知泉州

趙公綱 宋宗室淳熙中知漳州去官鹽法使民得
自貿易又罷戍卒及郡兵每歲供應民大

稱 翁德廣 建寧人淳熙中知龍溪隨事處斷終朝
便 而單朱文公嘗稱其庶幾古之循吏云

朱熹 婺源人光宗時知漳州奏除屬縣無民之賦
七百萬減總經制錢四百萬采古喪葬嫁娶

之儀示父老令解說以教子弟土俗崇信釋氏悉禁之病經界不行之害乃訪事宜擇人物及方量

之法上之他如簡役勸農正莊夏泉州人慶元中祀厲兵諸善政詳載本傳

橋罷高荒俵寄產錢民納苗傅伯成晉江人寧宗時知漳州以

米聽令自槩量郡人德之律已愛民為本推朱子遺意而遵行之創惠民局濟民病以革機鬼之俗由郡南門至漳浦為橋三

十五治道趙汝謹宗室子與兄汝談齊名嘉定間千二百丈知漳州修學校造南石橋建城

東門奏捐經總制危禎臨川人寧宗時知漳州漳無名錢五之二俗視不葬親為常往往樓

寄僧刹禎命營高燥地為義塚三約期責之葬其無主名若有主名而力弗給者官為葬之凡二千

三百有奇有經總制無名錢趙師縉宋宗室紹定歲五千緡縉疏於朝悉罷之問知漳浦修

學宮培士氣邑西有古陂歲久淤塞闕而治之沿陂為隄立斗門以資蓄洩溉民田甚多民立祠祀

之趙以夫

理宗時知漳州始下車生擒鄰寇渠魁丁米錢久為民患以夫請以廢寺租為

民代

李韶

吳縣人端平中知漳州號稱廉平朝廷分遣部使者諸路稱提官楮韶疏極言

其弊黃師雍

福州人寶慶間知龍溪轉運使王伯大上其邑最

元闕文興

建康

人為漳州萬戶府知事至元十七年陳弔眼作亂文興率兵與戰死之事聞立廟祀之

烏克

遜良楨

臨潢人至治初漳州路推官獄有疑者悉平反之烏克遜良楨舊作烏古孫良楨

今改羅良

長汀人至正中南勝賊李志甫圍漳州良傾貲募兵平之後以屢平劇盜陞光祿大

夫世襲漳州路總管至正二十六年陳有定據福建大發兵攻良良迎戰馬岐山敗績有定兵入城

良巷戰死良守漳為政周密修文廟定賦役課農桑設屯田於南詔場人無遠輸軍無多取其死也

人甚哀之至正中知龍溪興利除害擇學行之士為鄉師以教民革獷悍之俗民畏

畏懷之瑪什都蘭至正中漳浦達嚕噶齊廉勤愛民時縣無堅城賊至不能守都蘭命

工築石邑賴以全民立祠祀之瑪什都蘭舊庫作買撒都刺達嚕噶齊舊作達魯花赤今並改

特和卓至正中長泰縣尹廉介精明不避權幸鋤強梗植善良工役以時百廢具舉庫特

和卓舊作勿至正中南靖縣尹時縣番寇都火者今改韓景晦寇亂兼苦瘴癘景晦請徙縣

於雙溪改南勝為南靖完締拉密什西域人性至城堡興學校民至今思之考為漳州路

達嚕噶齊居三年興利鋤害民甚安之明兵取福州興化泉州皆納欵吏走白招諭使者至請出城

通之乃詣廳事具公服北面再拜畢引斧斫其印
文大書手版曰大元日子八位端坐援所佩刀刺
喉死時郡民聚哭斂其尸葬東門外
歸拉密什舊作迷里彌實今改
明潘琳 平陽人洪

武初知漳州府作新郡治吏畏民懷勸
課農桑崇獎士類莅政七載治績卓然
鄧清 陵州人洪

武中由儒士知長泰縣均徭薄斂清訟獄革奸
弊修理橋梁莅政三年凋瘵以蘇流移以復
王

禕 義烏人洪武初為漳州府通判文學政事推重
一時嘗為漳南十詠以紀風土民俗為人所傳

誦
劉孟雍 南昌人洪武末授龍溪知縣以計擒積
寇陳永定勸農桑輕刑罰均徭役禁淫

祠崇禮教扶善抑奸邑內大治秩滿邑人乞
留以知州秩仍治龍溪卒官民肖像立祠
陳思

賢
茂名人建文時為漳州府教授永樂詔至率諸
生吳性原陳應宗林瑀鄒君默曾廷瑞呂賢六

人即明倫堂為建文帝位哭臨
如禮被繫入京與六生皆死
劉奎博羅人宣德初知長泰縣

疏治陂塘溝洫民戶逃亡者招回復業復均浮糧
以恤民困縣有朝天嶺崎嶇為盜藪奏立巡檢司

以禦之秩滿民相率借留
顧斌鳳陽人漳州衛指揮僉事正統間鄧

治邑凡二十一年乃歸
茂七黨楊福率數萬人圍漳城斌時督兵備海上

突圍入城盡散其家貲募死士為神兵開門迎戰
連敗賊衆
陳士名無錫人正統末知南靖縣時值

城賴以全
鄧茂七亂後邑里殘破士名多
方招輯賑濟
謝騫當塗人景泰中知漳州府政尚

縣乃復初
嚴明吏人畏愛月港海倉民多
貨番為盜騫隨地編甲以聯屬其人戶約五日一

赴府點校其違式船隻皆折毀惟五六尺者烙以
官印使出海採捕朝出
姜諒嘉興人成化間知漳

暮歸由是盜息民安
州府嘗殲海上盜魁

築長隄以捍傍海瀉鹵諸田凡一百八十六所郡中田賦為里胥乾沒飛射詭奇者悉斷理俾復其舊置倉以備旱澇胥文相巴陵人正德中知漳浦縣時苦蝗患文相引慝

境內盜息民安

胥文相

縣時苦蝗患文相引慝

修省蝗悉赴海死邑金谿舊有礪山歲久脉微採取不充額賦重為民困文相奏罷之

陳思

謨河源人授龍溪主簿布衣蔬食以治行陞本縣知縣嘗執經相講勸邑人高之廡有產芝九莖

陳洪謨

武陵人正德中知漳州府討平巨寇林廣周俗尚奢好訟乃頌呂氏鄉約朔望

躬親講諭民多從化復朱子書院簡俊士肄業其中創名宦祠修府邑志濬龍溪陂灌田萬餘頃人

號陳紀鏞永豐人正德中漳浦縣丞廣寇誑蔓鎮公陂紀鏞巡會勦賊退保大帽山寨鏞率民兵深

入攻圍賊突出兵潰被殺事聞庭其子鍾相興國州人正德中知漳

鍾相

州府時南靖賊黨未平

湘詣賊曼招撫之帖然聽命兵遂罷因請設平和縣會歲饑賑濟有方又立社學以訓民卒於官漳人像

覃桓

沔陽人襲漳州衛指揮僉事正德中計祀之擒南靖諸賊招撫海寇後攻象湖山援

兵未至為

黃直

金谿人嘉靖初除漳州府推官居叢戟刺死官廉馭下嚴屬吏無敢縱以漳俗

尚鬼盡廢境內淫祠易其材以葺橋梁公解

唐九德

湘潭人嘉靖中為戶部郎擢知漳州

府既至庶諸附賊者悉擒之調遣諸軍夜從間道夜從間道夾擊賊營大破之普據穴旁掠請乘勝

撲滅山寨悉平時軍興之費巨萬一切倚辦于漳多方籌畫所需輒應故民不擾而師有成功事聞

賜金

王祿

新城人嘉靖中知平和縣時縣尚草創祿開社學置學田設壇廟義塚修舖舍

養濟院在任五年庶事畢舉

何春

雩都人嘉靖中知詔安縣教民行鄉約習朱子家禮簿書

暇日詣明倫堂與諸生講學政務化民為循良第一

蕭廷宣

廬陵人嘉靖中知長泰縣值倭

亂廷宣預修城垣以備之踰年寇至率諸生王得麟等督民兵防守城賴以全

龔有成

嘉定

人嘉靖中知詔安縣值倭發土寇乘之有成繕城浚濠經營防禦勦滅溪東小篆二賊以民兵戰倭

於三都解後溪圍倭賊壓境大雨城壞有成先取犁鍤牛皮覆其外且禦且築天明而城就賊說為

神先後六年被倭者十饒寇者二土寇者三內和外戰為漳南保障第一

玉謹

漳州衛指揮使

嘉靖三十九年追倭於梅嶼海洋力戰死詔祠祀之

謝明德

高要人嘉靖間知平和縣除苛

政捕宿惡討平詔安白葉洞諸賊四境歡呼

梁士楚

番禺人嘉靖末知詔安縣擒斬山海

諸賊增築縣城後擢福建僉事練兵於詔嘗築二都勻藤徑新陂灌田千頃詔人至今祀之

羅

青霄

忠州人隆慶中知漳州府葺文廟及文公祠
創天寶學田築四門月城時軍餉加派丁四

朱八青霄議

汪康謠

休寧人萬歷中知漳州府有
負重貨販洋遇逆風迴舟者

七十餘人時寨帥利其有誣為海寇將盡殲之康
謠為剖晰矜全給還原金漳郡俗生女不舉康謠

嚴諭禁止遇重獄虛心推詢夜分不寐多
所矜活以忤璫罷崇禎間起為福寧道

曾球

海陽

人隆慶間知南靖縣邑西橋南有田數千畝恒苦
旱球鑿渠通海子潭達銅山草湖以資灌溉又開

潘城濠接引溪流而東之
置塲等二十四鄉俱賴焉

王穀

臨海人隆慶間知
海澄縣用意真誠

勤恤民隱創築縣城
邑人號城曰王公城

范鳴謙

江陰人萬歷初知龍
溪縣縣有臨江虛懸

朱一千六百餘石民苦賠累鳴謙曰激水之下必
有涸涸之所纜生泥泊乃卒縣丞躬詣築田按田

之廣狹受懸糧之多寡得六千四百餘畝又察諸說沒者令歸戶以補懸糧外尚有溢額民勒碑頌

之
朱廷益

嘉興人萬歷中知漳浦縣以文學飾吏治先是議召商行鹽前令房裏力爭得

罷至是復欲籍鹽船出港行推廷益亟上房前牘事乃寢歲饑發庫金募饑民修馬道全活萬計當

事避之檄
通省為式

尹瑾

東莞人萬歷間為漳州府推官治獄多所平反慎刑平賊事以大治

嘗命家人於署種蔬自給政暇集諸生教以行誼民名其坊曰甘棠坊

閔夢得

烏程人萬

歷間知漳州府寬平為政民立祠祀之

施邦曜

餘姚人天啟中知漳州府明爽廉幹盡知

屬縣奸盜主名每發輒得闔郡驚為神盜劉香李魁奇橫行海上邦曜繫香母誘之香就擒魁奇請

撫邦曜曰若然又蒸閩封殖一蠹也言於巡撫鄒維璉卒討平之

劉斯垞

南昌人天啟中

知海澄縣在任六年豪強屏跡得過紅纓縣城
及學宮港口二城悉易以石并築碑水裔置銃砲
待敵後人銃城
砲臺實祖其制
蔡以藩
泉州人崇禎時為海澄營
把總視師三日賊入寇與
戰援絕而死知府施邦曜祠而祀之後又有同安
吳兆燦亦官祀總以破賊擢守備崇禎五年賊寇
福游亦
彭瑄
永州人崇禎中為漳州府推官古貌
戰死
羨金進曰此例也瑄曰今日
革之則不為例矣終却之

本朝許國楠

咸陽人順治初知漳州府修身潔己一
介不取署漳浦設計擒捕山寇浦人賴

馬時楊學臯謀陷城變
出巨測國楠赴井死
傅永吉
蓋州人順治中知
長泰縣海寇圍城

率驍勇力戰殪其酋長永吉方
射賊時中砲洞腹城賴以全
甘體垣
奉天人順
治中知海

澄縣赫文興叛汚以偽命不受沉之水邑人建祠祀之 **王顯謨** 蕙谿人漳州府同知順治

九年鄭寇竊發顯謨與賊鬪力盡赴水死 **歐陽明憲** 宿州人順治中知

蔡四踞烏山流劫遠近明憲定計搜捕脫囚繫男婦百餘人搗其穴葺文廟課諸生邑人銘德至今

稱賢令者曰猶得見歐陽也 **王三薦** 湖廣人康熙二年授漳州府推官性寬厚不事擊斷

臬司責以舉劾三薦曰民困于下官疲于上推官不忍為察察之行卒于官士民惜之 **白拱**

薇 汙陽人康熙六年知南靖縣弭水患均徭賦剔奸蠹除積弊立法清丈民慶更生康熙五十二

年祀 **傅宏基** 金華人康熙中漳州城守遊擊分防名宦 **長泰縣海寇圍城宏基嬰城固守援**

絕城陷被執不屈死 **陳汝咸** 鄞人康熙辛未進士知漳浦均賦役革弊便民興學校建南澳

書院并四門義學每朔望身往會講又邑過水災設法拯之全活者以千數士民愛戴之三年調南

靖日至環擁塞道後行取刑部主事陞大理少卿

人物唐潘存實

字鎮之漳浦人與龍溪周巨物齊名時稱潘周元和十三年試修禮耕情

田賦玉聲如樂詩及第歷官戶部侍郎

周巨物

字幾本龍溪人元和進士名譽蚤著嘗賦

軒轅古鏡歌王播見而異之御試學殖賦薦出谷詩為時傳誦以讀書天成山勅改為名第山 赫

連韜

漳浦人會昌咸通間與莆田陳黯並為布衣祭酒黃滔稱其有不羈之才而自坎於命同

時有莆田王肱蕭樞林顥福州陳蕓陳發詹雄與黯韜齊名稱八賢 謝脩 龍溪人清心藻思迥

拔流俗當僖宗西幸恥於事逆晦跡窮巖中與弟修著書自適至光啓迴鑿乃出登第後人以其所

居之圃為文圃山又五季分崩主簿洪文用不為時屈宋熙寧間有石貧者字華甫以世胄薄遊鯁論忤權貴浩然而歸俱隱於此所著詩文皆以文圃名集數百年間後先相望清風照世鄉人楊志作三賢堂以祀之

宋蔡瑗

字希蘧龍溪人嘉祐進士歷典五郡累官至朝

請大夫徽宗時上封事言商三宗寅畏周文王無逸為萬世法上嘉納之後官提點江淮諸路坑冶著有驚城錄及古

謝伯宜

字希聖龍溪人熙寧進士知長興縣有惠政開

水利墾不入境歷官尚書都官郎秩滿家居疏通九十九坑之水築海成田由是八九都皆成沃土邑人

吳與

字可權漳浦人元豐進士累官通判潮州故人張天覺當國或諷之使見與曰

平生與天覺語皆忠義反呈身干進乎卒不往家藏書二萬卷鄭樵稱海內藏書四家與其一也

鄭杓

字嘉樹龍溪人初立功西夏歷官修武郎靖康初金人圍都城杓為四門都巡檢力戰死

劉光世上其事補

高登

字彥先漳浦人少孤力學宣和中為太學生金人犯

其子綸承信郎

京師登與陳東等上書乞斬六賊紹興中上疏萬

言及時議六篇秦檜惡其識已編管營州聞朝廷

行事小失則輦箠不樂大失則恸哭隨之臨卒所

言皆天下大計登事母至孝其學以慎獨為本其

所設施治獄賑饑興學除暴咸有條理著家論忠

辨等篇有東溪集行世後朱子為守秦乞褒錄贈

承務郎 顏師魯 字幾聖龍溪人紹興進士陳俊卿器

重之為御史遇事盡言無所阿撓為

國子祭酒學行素孚規約率以身先除禮部侍郎

高宗喪制一時典禮多師魯裁定晉吏部尚書師

魯孝友天至嘗曰窮達自有定分枉道希世徒喪

所守故其大節確如金石進寶文閣學士卒泰定

二年賜諡定肅林宗臣

字實夫龍溪人受業高登之門登
乾道進士官主簿始書執政罷木

州驚鹽素有蔭墜見陳淳謂曰子習科舉之
文非聖賢大業授以近思錄淳卒為儒宗

王遇

字子合龍溪人乾道進士少受業於張栻呂祖謙
之門與廖德明黃幹陳淳友善守毘陵歲早講求

荒政民被實惠歷官戶部郎中所著有
論孟講議而漢博議學者稱東湖先生孫昭先

字延

父龍溪人淳熙進士嘉泰初除司農寺簿遷寺丞
出知衢州嘉定中除吏部郎入對言朝綱未清邦

用未節士氣未振民病未蘇四事卒官
太府少卿子叔謹歷知湖州有賢聲陳淳

字安
鄉龍

漢人少習舉子業林宗臣授以近思錄朱子來守
其鄉淳請受教朱子稱其善問性孝母病亟號泣

於天乞以身代葬宗族之喪無歸者居鄉不沽名
恬然退守而憂時論事感慨動人郡守時造廬請

教發明吾道之體統師友之淵源用功之節目讀書之次序以示學者授迪功郎所著有語孟學庸

口義等書 **黃子信**

長泰人嘉定四年特科第二人以文學行誥為學者師調新會場鹽官清

介不阿賦詩自娛所著有散翁集

黃學臯

字習之龍溪人博通經史尤長於詩書春秋朱

子守漳學臯與同邑宋文禮俱以雅年論講嘉定十六年登第終泉州察推

陳寤立

名植

以字行漳浦人淳祐進士督嶺南兵馬帝昺航海植以舟師應援馳檄諸蠻圖立宋後聞張世傑覆

舟變姓名匿九侯山臨終命葬海濱曰吾死猶可南望崖山也弟格為監簿帝昺亡死之

元林

廣發

字明知龍溪人歷汀漳萬戶府經歷屢有差遣兵民請諸萬戶府曰願還林君活我邊人

有三溪集傳世子弼明洪武中知登州民感其化所著有梅雪齋文集

蕭景茂

龍溪人性

剛直孝友至元四年南勝縣民李智甫作亂掠龍溪景茂與兄佑集鄉丁拒之戰敗被執賊脅使從已景茂罵曰我生為大元民死作隔洲鬼豈從汝為逆耶隔洲其所居里也賊嚮其肉決其口至耳傍景茂罵不絕聲

王初

長泰人至大四
年從父義士樵劉嶺山有虎出叢棘

而死朝廷褒表之而中搏義士傷右肩初應赴救抽鐮刀刺虎鼻殺之義士得生又同縣施合德父真祐出耘為虎扼于田合德與從弟發仔持斧前殺虎父得生並旌其門

明胡宗華

自號草湖居士龍溪人隱

居武林赤石巖潛心理學洪武初以明經薦為本府訓導講說經籍為諸生法著草澗集六卷子宜衛永樂中舉賢良與弟春同俱

陳文輝

字耿光詔安人洪武

篤學好修郡人稱三胡先生初薦授禮科給事中帝頗好釋氏教文輝疏言古帝王以來未聞縉紳緇流雜居同事可相濟也帝

不聽汝輝累官大理少卿數言得失
年九十餘最後忤旨投金水橋下死
劉宗道
名駒以字

行龍漢人洪武中以秀才被徵對策第一舉德行
特異復居首拜都御史詔求直言上格君心澤民
物二十事並見嘉納自是每侍食華蓋殿多所讖
切後為奸人所構徙南詔著愛禮集十卷鄉人稱

愛禮先生**周宗起**
漳浦人洪武進士任寺丞
唐泰
字師廊長

秦人通五經尤邃於易登永樂進士知祁州辟召
御試稱旨欲大用之以親老乞歸侍養四方受業

者日衆隨才誨誘皆有成就著**李貞**
南靖人永樂進士授翰林

院編修與修五經四書大全後以
不肯修佛書貶高州府教授卒
謝璉
字重器龍溪人正統

進士第三累遷侍講上治安策
十五事後陞南京戶部侍郎卒
周宣
字正舉龍溪人正統進士

授戶部主事出為潮州知府時潮寇竊發宣入境約日招降賊懷猶豫遂殲之省臣欲乘勝盡戮宣

謂脅從罔治全活以數萬計潮地悉平陞太僕寺卿所著有易齋稿

潘榮

字尊用龍漢人正統

進士除吏科給事中景泰初疏論停起復抑奔競數事帝納之數進諫言終南戶部尚書榮恬淡謹

厚服官數十年奉職無過卒贈太子少保

林雍

字萬容龍漢人景泰進士授行人成化初上疏

勸修德格天親賢講學請進周程朱子於顏曾思孟之後不報歷駕部郎中乞歸修藍田鄉約與鄉

人規勸其學始終本末有序

陳真晟

字剩夫漳浦人務為聖賢

踐履之學嘗曰大學誠意乃鐵門關主一二字乃王鑰匙也天順間詣闕上程朱正學纂要不報晚

居漳之玉洲著

林同

字進卿龍溪人天順進士為戶部郎中攝錢穀樞要作措

有布衣藏稿

南錄歷官廣東左布政使
巡按王哲奏為庶能第一
沈源字澄之海澄人天
順進士為南京御

史因天變陳修德弭災十事皆切時政
諸勲費不便為所中貶盧氏知縣均徭清訟政教

大行**魏富**字仲禮龍溪人成化進士授御史巡按廣
東時林壘洞蛟為厲富廉不法吏置於理

壘蛟皆隸編戶遷浙江副使明慎庶獄賑濟饑民
皆有實政擢撫順天持憲廉明無敢于者正德初

陞刑部右侍郎致仕卒
陳昂字欽顯南靖人成化舉人授太
常簿明飭禮樂考定律呂時宮

庭慶賀雜用優伶昂奏聖誕之辰當備百順以事
至尊而養其中和奈何用雜劇乞依孔子誅侏儒

例勅付司馬帝嘉之遷太僕
旋陞少卿著有法蔓蔓遺論
洪異字大同龍溪人
宏治舉人知崇

德縣掄江淮劇盜聞天長河祝田萬餘頃擢
御史巡按廣東檄平海寇陞廣西叅議歸
林魁

字廷元龍溪人宏治進士為戶部郎中永壽伯朱德見幸武宗欲廢太平倉賜之魁力諫西僧大乘

法王奔民田疏其不法歷陞廣林祺字子祥龍溪人母卒哀毀

東叅政歸著有白石稿歸田錄骨立足不踰戶當緝續朱子伊洛戴時宗字宗道長泰人

正德進士官吏部主事武宗南巡疏諫忤旨罰跪受杖歷文選郎中塞倖門清選法出撫鄖襄發粟

賑饑全活二十餘萬人奏薛侃獄開釋林連者甚衆入為左僉都御史歸蔡烈字文繼龍溪人

受學於晉江蔡清及莆田陳茂烈隱居鶴鳴山之白雲洞嘉靖間詔舉遺佚以母老辭所著有孝經

定本大學格物致知傳道南盧岐嶷字希稷長泰人嘉靖進士

錄朱子晚年定論大儒粹言為兵部郎條上平倭三策出為江西僉事賊寇臨江親與接戰斬獲數千級平之轉雲南叅議以平

鳳繼祖功擢 **蔡文** 字孚仲龍溪人嘉靖進士選庶
貴州按察使

盜及橫暴土酋歷江西參政浙江按察使貴州布
政陞貴州巡撫平都勻麻哈大華凡三奏捷以母

喪歸 **蔡應科** 字思成龍溪人隆慶進士累官右副
都御史巡撫廣西軍民畏威豁澗壘

狴皆讐服屢遷南京右都御史時中朝朋黨既
與是非消亂應科以為憂言禍將貽之國卒官 **唐**

堯欽 字寅可長泰人隆慶進士歷官刑科都給事
上給鄭貴妃祖鄭福墳價五千兩堯欽上疏

言妃祖無與葬例貴戚肅然司禮監張鯨怙權黷
貨事發上誅遣其黨特宥鯨堯欽抗疏語多觸忌

後官南太僕卿 **張佐治** 字思謨平和人萬歷進士
歸卒賜祭葬 歷寧波知府雪孀婦王氏

冤獄捕殺人棄尸之盜人稱為神擢天 **張燮** 字紹
津兵備道聞屯田數萬頃以勞卒於官

漢人萬歷舉人嗜學有文名崇禎中巡按以理學名儒薦有詔徵用不就所著詩文及他編輯凡數

百 **鄭懷魁** 字輅思龍漢人萬歷進士為戶部郎管北新大軍二解宿弊一清上供大瑞索

珠貝睛綠急懷魁抗疏得減十之三後為處州知府聽斷甚簡民稱平餐太守著有葵園集 **林**

東漢 字伯昭長春人萬歷進士授御史楚假王議起郭正域力請行勘首輔沈一貫庇王計逐

正域東漢亦請詳勘且言王既非假何憚於勘遂忤一貫貶貴州按察司檢校天啟中贈太僕少卿

周起元 字仲光海澄人萬歷進士巡按陝西風采甚著卒以東林故出為廣西參議天啓中

擢撫蘇松勅織造中官李實貪恣不法數事魏忠賢銜之逮起元繫獄中崇禎時贈兵部侍郎諡忠

愍特祠 **鄭鼎** 字爾調龍溪人萬歷舉人為貴州廣祀之順知州土酋安邦彥反罵賊不屈死

僕從死者六人贈光祿卿有司建祠祀之

馬鳴起

字伯龍龍溪人萬歷進士為御史時保母

客氏比魏璫權傾中外鳴起抗言六不便帝怒杖

史晉冢宰命**林鈞**字實甫龍溪人萬歷進士第三

下卒謚忠簡

累官祭酒一日國子生請立魏

忠賢像鈞沮之遂稱病去崇禎初復官陳用人理

財靖寇寧邊四策晉東閣大學士卒于官謚文穆

林日瑞

字廷輯詔安人萬歷進士歷官都御史巡撫甘肅李自成陷城罵賊被磔贈兵部尚

書本朝乾隆四十年賜諡忠烈

蔡時鼎

字台甫漳浦人萬歷進士為御史遇事敢

言巡鹽兩淮疏列惠商裕課十事捐其羨為開河

費置屬邑學田順天鄉試不售者造為飛語褫奪

主考時鼎力爭忤旨謫典史後起吏部主事尋進

南京禮部郎中卒官貧不具舍殮士大夫賻而治

其喪黃道周

號石齋漳浦人髫年博極羣書天啟進士授編修崇禎初進中允疏陳用人行

政之失刺大學士周延儒溫體仁斥為民九年復故官進右諭德以文章風節高天下嚴冷方剛不諧流俗公卿多畏而忌之所建白未嘗得一俞旨顧言不已以劾楊嗣昌奪情削籍謫戍廣西唐王時督師至婺源遇大兵被執死於江寧道周學貫古今所至學者雲集稱為石齋先生所著有經解奏疏天文術數詩文等書

賜諡忠誠

洪應斗

海澄人天啟武

進士授福建水師把總海寇亂率所部兩援副將陳希範駐師銅山日酣飲賊乘風直下應斗獨迎敵賊艘圓之手殺數十人度不得出乃抱銃自沉死希範倖逃免反誣應斗敗逃給事顏繼祖代白并請

陳瓚

字賓王漳浦人天啟進士崇禎十年為東州府推官拒楚賊有功屢遷湖廣叅

議計平八排賊十六年張獻忠陷長沙圍叅政周鳳岐於澧州瑣督兵往救軍敗被執欲降之奮罵不屈斷手剖肝而死事聞贈都御史諡忠貞本朝乾隆四十一年賜諡忠烈何楷字

銳鎮海衛人生有異質讀書過目不忘天啟進士值魏忠賢亂政不謁選而歸建紫芝書院講學其中崇禎時授給事中鳳陽陷疏劾撫按罪未刺輔臣溫體仁王應熊以訟獄繫輿列上八議言最詳悉楊嗣昌奪情與黃道周等劾之調南國子監丞福王時擢戶部右侍郎唐王用為戶部尚書以忤鄭芝龍請告歸卒楷博綜羣書尤邃於經學所著周易訂詁詩經世本春秋釋學者傳之魏呈潤字備石龍溪人崇禎進士官兵科給事中疏陳兵屯之策請勅撫臣練所部壯士復請大修北方水政屢有獻替皆切時務宣府監視中官劾罷按臣胡良機呈潤力爭坐貶秩歸涂仲吉

字德公漳浦人入太學崇禎中聞黃道繫獄上疏論救上怒于杖下獄鞠之桡指盡折不稍挫乃與道周俱論戍尋赦歸授御史嘔血卒

本朝朱王造

字矯士平和人順治初知永寧州吳三桂亂造義不從賊被繫死獄中黃

梧

字君宣平和人幼喜任俠順治初以海澄來歸封公爵授一等公世襲十二次康熙中耿逆變

作梧病中投袂而起癰口迸裂遂卒贈太保諡忠恪從子芳世襲爵兼提督福建軍務平漳寇以疾卒於軍芳世兄芳度守漳城叛將吳淑等開門降賊遂投井死弟芳名守北門被執不屈死同時死者總兵黃翼遊擊鄭宗漢及戴鎬陳謀張濟黃香蔡隆吳友朱武陳驥等俱加贈卹同邑人賴陞從梧攻復閩安授叅將後守海蔡而皖字邦璧漳浦澄被圍抗節死詔卹其家

授東昌府推官多所平反臺使薦之有
明如秋月肅若秋霜之語後謝病歸
蔡而烜字邦

鄂而煊弟順治進士知桐栢縣革陋規除冗役善
決疑獄妻林氏教婦女治績絃民歌曰蔡公夫婦

杜母召父致仕歸
戴璣長秦人順治進士歷官廣
老幼遮道送之西叅議守柳州唐應元之

亂親斬渠魁猛獍畏服以裁缺歸康熙十三年耿
逆結海寇圍漳州璣出貲招鄉勇捍禦賊遁去十

七年長泰失守全家被掠
黃相龍溪人康熙中廣
賊餉以官不屈絕粒死東副將討高明壠

泔賊被執不屈死事聞
蔡世遠字聞之漳浦人康
贈都督僉事廕其子熙己丑進士由翰

林歷官禮部侍郎學有淵源蔚為一代儒宗嘗主
鰲峰書院所就多知名士雍正甲辰詔入

上書房侍讀凡八年恭恪勤敏為上所重作
文以昌黎為宗嘗言惟理足可以載道氣盛可以

遠辭所著有二希堂集
上特賜序以榮之卒諡文勤

流寓宋劉子羽

字彥修崇安人紹興八年御史常同
論子羽十罪上批出白州安置趙鼎

曰上謂章疏中論及結吳玠事今方倚玠
恐不自安同疏再上以散官安置漳州
趙鼎字

鎮聞喜人宋高宗時
岳震父飛嘗被誣震謫
為相謫官居漳州
嶺南後移於漳
向士

壁字君玉常州人賈似道疾其解漳州
圓之功諷御史罷之出漳州安置
明豐熙字厚

學鄴人世宗時為翰林學士與獻王尊稱禮定熙
疏諫不得命伏哭左順門遂下詔獄掠治復杖之

闕廷遣戍鎮海衛屢更大赦不原熙處之恬然寓
居雲洞日以讀書為事閱十有三年竟卒於戍所

邵經邦字仲德仁和人嘉靖時以日食建言謫戍
鎮海與同戍豐熙陳九川時相討論居三

十七年卒 **李材** 字孟誠豐城人為都御史生事戊鎮海一時從遊者衆稱為見羅先生

列女 **宋蘇宋傑妻王氏**

龍溪人年二十一而寡時已有娠父母欲奪其志王指腹

誓曰生男守男生女守女父母怒絕其往來既生男不歸寧者七年孀居八十五歲終子孫多貴顯

吳與母王氏

漳浦人適吳登早寡撫子與成立與為懷安令迎母居官舍母日治絲枲

與請其少休母曰吾少而治之如吾兒治公事之外更復讀書何間然也數戒與以事君臨民大節令其勤公潔已移孝作忠無貽母羞與所至有聲母有力焉

陳氏女

龍溪人年十五父病

禱神剔肝以進父食之愈

謝某妻林氏

龍溪人年十九適謝踰年而寡以全節終

元

陳端才妻蔡氏

龍溪人名三玉盜起漳州父廣瑞與端才各竄去三玉獨偕夫妹出

避鄰祠中盜入斫夫妹見三玉美不忍傷驅納舟
中行至柳營江迫妻之三玉伴許諾因起更衣自

投江水而死越三日尸流至廣 **高耿妻阮氏** 漳浦
瑞舟側廣瑞辨識為女收斂之

年二十卒頓柩於外外姻竊用 **魏亦顏妻廖氏** 龍
火化之氏聞奔往投烈燄死

人年二十四夫卒時閨地騷擾未靖氏扶姑攜子
轉徙村落間截髮自誓同邑蔡安繼室黃妙觀亦

以節終 **朱瑱妻翁氏** 瑱朱子六世孫翁名壽安瑱
俱被旌 為長泰令任甫三日以公事

入都寇卒起攻城陷翁方盛年二女俱及笄有美
姿翁語二女曰女以貞潔為守寧死義不受辱長

女先赴井死次女繼之翁引刀自 **明陳景育妻黃**
刎賊相顧駭歎因全其子鎬焉

氏 龍溪人年二十四夫卒父母欲奪其志斷髮自
誓子國華妻韓氏孫道源妻魏氏俱早寡三世

一節同邑王嘉園妻李氏早寡立兄子瑱為後瑱
聘吳三姐未婚而卒吳自縊李以苦節終又漳浦
林疏妻王氏徐輔妻林氏子婦周氏長泰李德淵
妻陳氏楊佳任妻張氏南靖許思謙妻李氏陳江
妻杜氏夫妹陳氏平和張淵妻戴氏子周楫妻郭
氏海澄吳必驚妻李氏俱夫亡苦節其未嫁守節
者漳浦林惇妻程氏
邱孔文妻戴氏 龍溪人年二
海澄郭顯仰妻蔡氏 十夫亡投水
死同邑吳可贊妻鄭氏黃裏誠妻朱氏蔡子善妻
林氏昌森妻蔡氏陳思程妻林氏霍通妻林氏陳
應美妻郭氏王從彘妻陳氏陳漢鳳妻李氏漳浦
許惟長妻郭氏張品妻陳氏程嗣衮妻王氏康起
鳴妻陳氏沈同訓妻許氏陳類妻徐氏詹瀚妻陳
氏蕭誓妻黃氏林作惠妻郭氏陳繼妻程氏陸瓊
妻陳氏鄒大澤妻許氏黃龍妻吳氏林繼振妻方
氏林華妻莊氏郭道齋妻蔡氏朱賢良妻黃氏陳

維妻林氏陳美章妻林氏長泰王天保妻陳氏平
和李思賢妻張氏詔安毛氏孫信妻張氏孫价妻
湯氏陳養望妻吳氏許傍妻林氏胡士麒妻鍾氏
陳誥妻王氏海澄周某妻蘇氏馬鵬振妻林氏俱
夫亡死節其未嫁殉夫者龍溪康光顯妻徐氏長
泰劉志鎡妻黃氏海澄劉運復妻郭氏曾省研妻
鍾氏楊應鈞妻謝氏黃旭
炯妻吳氏郭遜妻江氏

李能方妻黃氏

龍溪人
嘉靖時

為流寇所獲欲污之氏投河死同邑鄭伯謙妻蔡
氏丁椿女漳浦張冠期妻朱氏李某妻楊氏王大
景妻蘇氏陳應科妻黃氏林可貞妻游氏陳基妻
黃氏黃師文妻朱氏夫妹黃氏翁瑞夫妻林氏吳
志豪妻陳氏黃輝妻王氏朱鐸妻戴氏李春元妻
邱氏蘇攀妹朱簧妻蕭氏南靖林茂馨妻許氏女
二姐王維垣妻楊氏海澄林鳳翔妻葉氏謝君福
妻許氏許光妻朱氏許瑞妻鍾俱不為賊污完節

死

黃烈女

龍溪人少許字林夔後夔嫖其貧別娶黃義不他適遂自縊死

張明女

漳浦人許字衛指揮王瑤次子瑤長子聘桂氏富室也長子死以次子娶桂氏明欲與鬪女曰貧富

人之常情願父勿以女故自傷遂自經

李吼子妻杜氏

南靖人家貧事姑至孝嘗

與夫上山採笋虎攫夫去杜追及拔其尾斫其背虎為舍去負還復生鄉里驚異

柯乾恭

女

龍溪人乾恭無嗣女不肯適人侍養終漳浦程念梅女亦以父無嗣侍養終

本朝陳天行妻林氏

龍溪人年二十五夫亡守節事姑盡孝姑病刲股愈之同邑徐

子壯妻鄭氏林長裔妻張氏林登瀛妻葉氏長泰鄭時宏妻王氏俱夫亡守節雍正年間旌表

陳躋妻林氏

南靖人年十八許字未婚夫亡奔喪守節海澄蘇宏濟妻李氏亦未婚夫

亡守節以終
正年間 旌表

楊平妻藍氏

平和人年十八值賊攻東寨平出走藍與

訣曰苟不免當畢命一刃後賊平夫歸藍果死一
必植胸倚壁不仆又同邑黃賓妻張氏龍溪李氏
黃義妻郭氏漳浦陳友妻廖氏林就妻康氏林乾
妻程氏商兆琛妻陳氏吳氏女海澄林日暄妻顏
氏謝楚材妻吳氏
俱不為寇汚死

陳夢龍妻張氏

平和人夢龍病革時忽黑風從

室中起家人駭匿須臾風定視
之張已自刎後七日合葬道旁

朱傅妻林氏

龍溪人年

十八傅歿於外計至林投縲死又同邑魏士睿妻
翁氏鄒延平妻許氏鄭曇妻李氏柯上迪妻郭氏
歐諒妻劉氏吳世德妻王氏鄭欽第妻許氏漳浦
林甫妻朱氏游晏妻鄭氏薛燕妻洪氏許榜妻程
氏南靖莊介夫妻謝氏邱萬妻蔣氏鄭澤妻莊氏
長泰邵旦妻陳氏王某妻嚴氏平和曾檜妻林氏

張士習妻賴氏李思賢妻張氏詔安許良淳妻沈氏林樞妻吳氏胡欣然鄭氏沈種妻黃氏海澄陳氏李樂只妻謝氏李忍妻蘇氏陳宜之妻林氏曾合妻鄭氏曾美妻鄭氏俱夫亡死節其未婚殉夫者龍溪吳穆妻楊氏姚錦妻陳氏張則謀妻方氏吳奇妻趙氏漳浦林攀妻湯氏楊某妻黃氏吳鶴妻林氏黃陣妻陳氏平和張某妻李氏朱某妻楊氏張敏妻劉氏名馮姐漳浦人年十五鄰人窺敏出牧逼林忍姐同安人夫從軍死於之堅拒得脫卒自縊海澄林請于主將願從夫地下但求合葬許之遂自縊

張思語妻陳氏龍溪人年十九于歸甫三載而夫歿撫週歲孤備歷艱辛茹荼教育媳陳氏孫媳吳氏皆少寡羣哀之又同縣節婦李天培妻陳氏黃大德妻楊氏趙與湯妻蘇氏顏家駒妻林氏謝汝諧妻高氏蔡一德妻廖氏陳天祿妻黃氏郭植

妻許氏邱倚炳妻蕭氏柯日焜妻陳氏鄭景慧妻
李氏錢光錄妻陳氏林純直妻王氏林兆成妻陳
氏徐廢倫妻林氏方啟化妻郭氏黃過和妻劉氏
媳鄒氏陳氏陳元智未婚妻郭氏陳惟灼妻黃氏
韓宗文妻陳氏王公誠妻林氏楊振恩妻許氏諸
生唐壁妻莊氏許紹崇妻蔡氏顏士欣妻覃氏黃
世甲妻鄭氏鄭懋銓妻王氏黃廷燦妻陳氏饒嗣
英妻黃氏姚經三妻唐氏陳日覃妻郭氏李枝其
妻王氏陳士璧妻吳氏張夢麟妻葉氏張得麟妻
林氏張爾純妻林氏謝輻妻楊氏陳啟茂妻楊
氏吳崑琳妻周氏丁堂妻魏氏張芄妻李氏黃芳
生妻陳氏王伯強妻林氏丁肇貞妻吳氏王德嘉
妻郭氏皆乾隆年
唐廷藝妻江氏
漳浦八年二十
間先後旌表
二夫歿矢志守
貞事姑不懈教子有成苦節四十四年乾隆年間
旌表又同縣節婦盧鴻荅未婚妻林氏商琳光

妻蔡氏黃彥章妻林氏李懃學妻趙氏李振起妻
林氏高聲妻林氏劉學周妻張氏李友倫妻林氏
生員趙茂青妻何氏何天江妻蔡氏何獻彩妻許
氏劉祖源妻許氏慕長渚妻陳氏蔡衍錦妻楊氏
又貞女湯速聘妻胡氏林日衍聘妻許氏邱
錫泗聘妻陳氏皆乾隆年間先後旌表許寄

生妻林氏

南靖人年二十二夫歿欲捐軀以殉姑
力阻乃止茹齋衣布足不踰外戶姑老

病篤衣不解帶訓諸子成立苦節垂四十年又同
縣節婦王印滌妻陳氏吳上球妻邱氏張與華妻
莊氏魏睿妻簡氏黃日芳妻吳氏許本坤妻陳
氏許長美妻黃氏許本宣妻郭氏許茂猷妻林氏
黃兆睿妻林氏吳廷芹妻王氏莊大涉妻柯氏陳
世德妻李氏又貞女林中聘妻盧氏皆乾隆年間
先後旌表

戴宗灼妻李氏

長泰人年二十四寡居事
祖姑盡孝持家政以儉撫

妾子鞠愛如自己出張元章妻戴氏胡訓夫妻林氏俱乾隆年間先後旌表陳丹蓋妻

楊氏

平和人年二十夫故孝事舅姑侍疾勤苦課督孤子艱虞備至乾隆元年壽百歲奉

特旨旌表

又同縣節婦陳其志妻何氏黃色紅妻沈氏陳繼志妻何氏生員葉鵬飛妻曾氏林世杰妻張

氏何元聲妻林氏生員賴天柱妻王氏何文志妻

賴氏賴元城妻林氏賴世銘妻林氏吳德棧妻游

氏張時敏妻李氏張飛哲妻黃氏又貞女曾文籍

聘妻何氏烈女楊旺聘妻廖心娘俱乾隆年間先

後旌表許邗姊妻沈氏

詔安人年二十二夫歿侍翁姑撫孤子孝慈兼盡艱難備

嘗守節七十三年又同縣節婦林承勳妻吳氏廖

英讓妻羅氏沈茂遺妻陳氏林鳳至妻沈氏張孟

瑛妻江氏游志密妻黃氏吳玉柱妻邱氏江韓妻

林氏張釋夫妻沈氏沈國琚妻林氏潘廷雲妻吳

氏林開運妻沈氏胡象周妻林氏廖元芳妻曹氏
林挺秀妻沈氏沈升一妻林氏廖德思妻官氏貞
女陳氏沈士英妻許氏沈士耀妻吳氏沈士燦妻
鄭氏蔡頰頰妻何氏黃世佳妻江氏林克錫妻胡
氏陳振銳妻沈氏丁洪生妻許氏沈邦仁妻余氏
吳登宗妻沈氏何光祖妻李氏林世洽妻沈氏楊
士章妻許氏又烈婦葉蕃妻沈氏夫
亡以身殉俱乾隆年間先後旌表 **劉廷妻郭氏**
海澄人夫容死氏年二十七遺腹六月生子事舅
姑勤鞠育歷節六十餘年年九十三卒又同縣節
婦林德懋妻邱氏郭績緒妻李氏陳元空妻邱氏
許良植妻甘氏郭臯妻黃氏許彥詔妻甘氏周松
妻許氏陳錫類妻甘氏黃錫瑞妻許氏葉以寬妻
吳氏林純仁妻李氏吳亨用妻黃氏林耀澄妻陳
氏洪其盛妻許氏林一鳳妻薛氏葉光章妻黃氏
黃錫濬妻王氏李玉章未婚妻藍氏林鳴岐妻顏

氏曾光華妻程氏黃錫瑾妻許氏李文遠妻蔡氏
鍾居常妻王氏曾文揚妻曹氏倪沛宗妻鄒氏俱

以守節乾隆年

間先後旌表

仙釋隋潛翁

開皇時煉形石壁山養白
蝦蟆以自隨後不知所終

唐義中

楊姓
本高

陵人父仕閩生於福唐棄家師本州懷暉又謁百
丈往撫州見石鞏有悟寶歷中到漳州持住三平

山山中鬼

魅避跡

康仙

乾符間賣藥衢市居圓山琵琶坂
常往來西溪渡口今稱康仙渡後

郡守欲移其廟於山椒夢仙授以詩曰賣藥因循
未得還却因耽酒到人間有心只聽琵琶坂無意

更登山上山
廟遂不復移

清谿

漳保福院僧參睡龍有悟入芋
溪遺偈於橋端坐湖頭石上而

化

宋劉希岳

龍溪人端拱中為道士居西都老子
觀中遇異人得道號了然子一日沐

浴更衣陳席而卧須臾
飛出一金蟬遂失所在
從謙慶歷中住開元寺嘗

奕就之化為雙鶴冲天而去遺一棋子取而咽
之遂辟穀不食四十年後歸岐山石門示寂
懷

璉龍溪陳氏子師事泐潭潭皇祐中召對化成殿稱
旨賜號大覺詔住淨圓院所賜問荅詩頌凡十

有七篇治平中丐歸英宗賜手詔許之渡江入
四明郡守迎致建大閣榜曰宸奎蘇軾為撰碑

土產

明統志龍溪縣出
鹽龍溪潭浦縣出宋史地理志龍

浦有黃敦鹽場九域志龍
溪潭浦二縣皆有鹽園
甲香元和志潭州貢通

厲燒灰
蠍元和志潭州貢寰宇記
用之
蛟魚皮元和志潭州貢寰宇記

志瀕海
各縣出
茶寰宇記潭州產通
麂皮府志諸
海舶香

藥

寰宇記
漳州產

蕉黃

明統志各
縣皆出

長枝竹

明統志絲之可
以為器各縣皆

出
水晶

通志水晶漳浦縣大帽山及
梁山俱出掘之至水乃得

絨

府志漳絨
出龍溪漳

浦
紗

府志漳紗舊
為海內所推

銀魚

明統志各
縣皆出

通印子魚

明統
志漳

浦
糖

府志各
縣俱出

橘餅

府志通
府皆出

紫菜

出漳浦
海中

燕窩

出
漳

浦
海

中

欽定大清一統志卷三百二十九